



De STHB

(Stadt Heimatbund Münster e. V.)

is för alls dao, wat met mönsterske Heimatkultur to doon hät. He bütt siene 35 Vereine Hölpe bi Heimatpläage, Heimatföörskung un Präsentation van iähr Doon.

He möch daoto bidriägen, dat Mönster sienen Patt wiedergeiht äs Stadt van Wiëttenschop un Liäwensard.

He arbeitet daoför, dat Mönster in en Europa, wat ümmer mäher bineenwäss, Mönster bliff: de schöne Stadt in de Midde van de hele Region, de Stadt, in de to liäwen sick lauhnt un Freide mäk.

He will methelpen, dat all dat Guede, wat düör 1200 Jaohre in Mönster wassen is un et druogen hät, siene Kraft behöllt.

He geiht daovan uut, dat jedereen in de Büörgerschop van Mönster sick för dat Hele tostännig föhlen un engageren kann un sall; dat bedräpp besunners de Arbeit in de Vereine un in en Ährenamt. So kann dat, wat de STHB dööt un will, up breiden Grund in de Stadtgesellschaft staohn.

Uut dat graute Spektrum van STHB-Aktivitäten sallt hier drei nommt wärden:

- Mönster äs Stadt van den Westfäölsken Friäden van 1648 un äs Friädensstadt vandage wiederbringen,
- de nederdüütske Kultur in Spraoke, Literatur, Leed, Thriaoter usw. bewahren un pläagen,
- Mönsters Büörgerschop upmüntern, sick för de Stadt to engageren.

AFRIET-RIEMSELS

Niëwelmaond 2018

November 2018

Dag för Dag

**Dat häs di dacht,
dat de Dage länger wärdt
Summer was.**

Un Hiärfst.

Un Winter.

Dat Fröhjaohr kümp drachternao.

Män länger wärdt de Dage nich.

Dag för Dag

wäd de Dag

küörter för di.

Otilie Baranowski

„Wind weiht“; C. J. Fahle GmbH, Münster 1978

SPRUCH:
**Leiwer 'n lütken Ümweg as liekuut
vüör de Müer.**

Worterklärungen:

drachternao – hinterher, danach

STH B Stadt Heimatbund Münster e.V.

Neutor 2, 48143 Münster
Tel: 02 51 98 11 39 78

www.stadtheimatbund-muenster.de
info@stadtheimatbund-muenster.de